

北洋官報

目錄

宮門抄
上諭

交旨

奏請憲政編查館奏議覆諮議局章程擬限摺△又奏
奏定章程應以官定解釋為據片
公積○農工商部札一件△天津商會移一件△吉林兵
備處詳一件
文告五則△電報七則△新聞十二則
彙編○南洋勸業會出品分類細目
附畫○上海楊樹浦自來水塔圖

本局報今日加印照片一頁

本局第一百九期法政學報現已出版

宮門抄

七月十八日 禮部 學部 正紅旗值日 海公請假十日 陸潤庠續假五日 召見軍機 現換麻地

紗袍褂 禁煙大臣遞封奏一件

上諭

七月十八日內閣奉

上諭河南河北鎮總兵員缺著文煇補授欽此
上諭禁煙大臣奏疆臣叅劾屬員有違定章據實糾叅一摺前據護理雲貴總督沈秉堃奏叅試用巡檢周德懋雲
州吏目王德恩均煙癮甚深業經革職並著永不叙用試用知縣李煥綬試用鹽大使盧廷襄補用游擊蔡凱臣
李文庚儘先補用守備楊德清均吸食洋煙久未遵戒均請暫行革職殊與新章不符李煥綬等五員均著改為
革職永不叙用沈秉堃奏叅各員時曾否接到禁煙大臣所奏新章著遵照定章明白回奏該衙門知道欽此

交旨

七月十八日 軍機大臣欽奉

諭旨禮部奏議覆已故提督桂錫楨卹典一摺桂錫楨著毋庸建立專祠餘依議該部知道欽此
諭旨禮部會奏議覆伯爵黃永安出缺無嗣請飭該旗揀選承繼各摺片著該旗都統於黃廷桂親支內揀選數人
帶領引見欽此

奏議錄要

憲政編查館奏議覆考察憲政大臣于式枚奏陳諮議局章程權限摺

奏爲遵 旨議奏恭摺仰祈 聖鑒事本年五月初四日准軍機處片交本日出使考察憲政大臣于式枚奏

陳諮議局章程權限一摺奉 旨憲政編查館妥議具奏欽此欽遵鈔交前來查閱原奏於諮議局之性質範圍

大小及其職任權限各節證以普國議會之制條分縷析鄭重詳明自爲防微杜漸起見惟臣等反覆推求該大臣

所陳有涉於過慮者有不免誤會者請爲我 皇上縷晰陳之查臣館所擬諮議局章程原係欽遵 先朝

諭旨敬謹釐訂伏讀光緒三十三年九月十三日 上諭朕欽奉 慈禧端佑康頤昭豫莊誠壽恭欽獻

崇熙皇太后懿旨前經降旨於京師設立資政院以樹議院基礎但各省亦應有採取輿論之所俾其指陳通省利

病籌計地方治安並爲資政院儲才之階著各省督撫均在省會速設諮議局慎選公正明達官紳創辦其事卽由

各屬合格紳民公舉賢能作爲該局議員斷不可使品行悖謬營私武斷之人濫廁其間凡地方應興改革事宜議

員公同集議候本省大吏裁奪施行遇有重大事件由該省督撫奏明辦理將來資政院選舉議員可由該局公推

遞升如資政院應需考查詢問等事一面行文該省督撫轉飭一面逕行該局具覆該局有條議事件准其一面稟

知該省督撫一面逕稟資政院查核等因欽此是諮議局之範圍權限已明定於煌煌 聖訓之中本非各國

地方議會所得而比擬考各國地方行政除聯邦各有議院外凡本國地方皆直隸中央政府至分配地方官吏及

其執行職務亦均受成於內務大臣合全國爲一行政區域而集權中央與中國之部臣疆臣顯分內外地方行政

可由督撫主持命令者截然不同其地方行政之範圍既小故輔助行政之機關僅有上級自治制之地方議會而

不必別立制度中國地大政繁久已分省而治而督撫實立於一省行政最高之地位求之各國本鮮此制督撫之

權限既視各國地方行政長官爲較廣則輔助行政機關之權限自應與之相稱而不能僅據各國之上級自治以

爲準則諮議局之設用意蓋即在此臣館原奏所以有諮議局爲地方自治與中央集權之樞紐一語也故謂諮議局爲聯邦議會固屬不符即比之各國上級自治制亦有區別惟其爲中國特別制度自不能與普國地方議會相等故其權限悉遵

諭旨中採取輿論指陳利病籌計治安諸大端所規定而又恐其踰越權限也因明定監督一章授督撫以停會解散之權且對於諮議局議案有裁奪施行之權夫曰議案是諮議局祇能任決議而不能強迫其實行曰裁奪施行則先裁奪而後施行是督撫直處主動之地而不得視爲被動二者之間界限固甚分明即慮一二議員間或近於桀傲而苟違法律小則除名大則解散停會所以維持於事前事後者固已無微不至臣等以爲監督全省之行政以及一切之政權實在督撫而不在諮議局何至如原奏所稱諮議局立於一省行政惟一監督之地及一國政權落於最少數人之手臣等所謂該大臣所陳各節有涉於過慮者此也至原定諮議局章程十二章六十二條詞簡意賅不能不藉引伸以明其義而前此所以祇將條文略具按語不加箋釋者則以督撫對於茲事苟有懷疑不妨隨時電詢即如辦理初複選舉間有疑義督撫之於臣館旋詢旋覆便可迎刃而解無所疑阻也今核該大臣原奏各節曰於財政不特有監察權且有承諸租稅權於督撫不特有彈劾權且可操其任免權於立法不特有參與權且有審查權併謂有強制執行及責問各權其於章程條文殊多誤解遂有綱羅權力完全無缺之疑臣等細核其誤解之處要不外章程中之職任權限及監督數條在臣館原定範圍固已嚴加制限惟以該大臣既多疑慮自應逐條發明原章意旨以清權限而釋羣疑查諮議局章程第二十一條一議決本省應興應革事件指定本省者以本省人議本省事痛癢相關利害較明即本前年九月間

諭旨指陳通省利病集議興革事宜之意所發生也至事關 君上大權及凡屬 國家行政者自非諮議局所得參預且諮議局僅代表一省之輿論尙非國家議院之比何至蹈原奏以議院爲主體得以民權抵抗政府之疑二議決本省歲出入豫算事件誠以新政待興非財莫舉令人民負納稅之義務自應令其周知每歲進出款以激其急公好義之忱臣館於上年九月間咨行度支部文內已聲明諮議局預算事項應以各省之地方辦事用費爲限國家行政費不在其內等語則議決歲出入祇限於本省行政費無可疑也三議決本省歲出入決算事件各省報部支款往往暗有融銷今與議員以公同決算之權原以期稽察者多稍可杜浮冒侵蝕之弊揆諸清理財政之義正爲必不可少之

舉四議決本省稅法及公債事件似於財政有特權矣然稅法公債均冠以本省乃係專指地方稅與地方公債而言與國稅國債截然兩端若國家租稅則皆定於國家之法律本非諮議局所得議決其得議決者僅屬本省單行章程規則之徵收方法而已況憲法大綱載明臣民現完之賦稅非經新定法律更改悉仍照舊輸納且臣館核議度支部清理財政章程第十五條聲明各省歲入當國家稅地方稅未分以前諮議局不得議減現行稅率則所議決祇有改良增加之事並無議減之權至地方公債以本省之人任本省之債似更無流弊之可言關於財政者限制如此則原奏所陳諮議局干預財政各節不無過當矣五議決本省擔任義務之增加事件其指定本省者譬如濬河築路衛生教育本省應擔之義務爲前此所無者諮議局得視地方款項之盈虛以爲推行之準則其前此已擔任者憲法大綱載明有法律上必需之一切歲出非與政府協議議院不得廢除減削之條是議院之議決權其範圍尙祇如此推而至於鄰省之協濟海陸軍之攤派公債之募借凡爲國家特頒之命令即皆不在議決之列夫何至如原奏所謂有地方議會聯絡呼應刻持中外大臣之疑六議決本省單行章程規則之增刪修改事件查全國通行法律須由 欽定頒行憲法大綱早經揭明宗旨惟各直省之風俗習慣不同不能無特別之單行法如違警律中各省得定違警章程之類而施行法律之細則各省情形不一亦不能不令各省自定如地方自治等章程施行細則之類凡根本於國家法律之單行章程規則屬於督撫權限內者自應由諮議局參與以收集思廣益之效究其範圍有限非所謂參與國家立法之全權也原奏所稱諮議局居然有參與立法權者未免視爲範圍太廣矣七議決本省權利之存廢事件譬如全省自有之公共產業欲爲變置移易即爲關於本省之權利存廢此種事項全省利害所係自不得不鄭重視之至業經法律規定及奉 旨允准者自不在諮議局應議之列此可無庸疑者八選舉資政院議員事件此即遵奉 諭旨諮議局爲資政院預備議員之階也臣等已會同資政院奏定院章第十一條內載明各省諮議局議員互選後由該省督撫覆加選定咨送資政院等語是選舉之權雖肇端於諮議局而仍受成於督撫與原奏所稱資政院議員卽爲諮議局所選舉者究屬有別況資政院議員欽選互選各居其半凡王公世爵及京朝官均可由 欽選爲議員各省諮議局所互選者第居得半之數而非其全體是原奏專謂爲諮議局所選舉者由未詳查資政院前奏章程遂有此議九申覆資政院諮詢事件立法

之始不能不詳查各省之習俗以資參考曰申覆者則必資政院有所諮詢該局方可建議查資政院議員既不盡由各省諮議局推選而來至諮議局議員更不能與資政院相爲左右組織既有不同權限亦復互異謂資政院卽爲各省諮議局之全體已不盡然今謂諮議局卽屬資政院之分體更似誤會矣十申覆督撫諮詢事件督撫對於庶政本有主持之權而有時或欲周諮博訪者則行政官有芻蕘之詢諮議局卽不能無一得之獻究之採納與否憑諸督撫夫亦何至有原奏所稱聽地方指揮政令終至下移之慮十一公斷和解本省自治會之爭議事件地方下級各圖自治事勢所至或不免有權限之衝突各國於下級自治會之爭議大都由上級自治會公斷和解現定地方自治章程府廳州縣之上別無統一全省之最高自治會諮議局既爲全省輿論之代表自應歸其處理然祇處理自治會之互相衝突若自治會與地方官之衝突則仍屬督撫主持諮議局卽有所見亦但能建白以備督撫之參考夫何至如原奏所稱有裁判地方行政之權十二收受自治會或人民陳請建議事件督撫爲國家行政之代表有應行專決者如軍事外交裁判等事斷非議員所能干涉但以人民各具國家思想苟實有所見不妨上書陳請定例在內由都察院代奏在外由督撫代奏已開其例其必以諮議局代爲陳請建議者因表示衆意所在以備督撫採擇其裁奪之權則仍統諸督撫諮議局固不得強督撫以執行又何至如原奏所稱有不問爲國政爲民事一切均納入範圍之權此外如原章第二十七條所稱諮議局遇有督撫侵奪權限可呈請資政院核辦者似爲權之過重不知侵奪云者只限於諮議局應行議決之事督撫於議場不許其議決是之謂奪其議決權非云議決之後督撫不與施行卽謂之侵奪權限也又如原章第二十二二十三二十四等條係就諮議局所議與督撫或合或不合事件定其辦法其各執一見不能解決者由督撫將全案咨送資政院以待決定而資政院議決事件均須請旨裁奪則是可否予奪之柄仍在君上固不出大權統於朝廷庶政公諸輿論之本指也(未完)

憲政編查館奏定章程應以官定解釋爲據片

再查歷來法律章程內箋注解釋皆係由在事臣工纂輯奏請 欽定方准頒行其私家撰著律例注解之類未經呈進者一概不得援用誠以立法之權統之君上斷不容人自爲說致淆觀聽而紊政綱自上年諮議局章程通行後各省遇有疑義皆電咨臣館隨答隨覆或推廣待申之意或駁正質難之詞皆期得所折衷俾免阻碍已

由臣館將節次答覆電稿咨稿彙印成冊先後通告各省一示奉行者以率循一資講習者之研究嗣後京外各衙門於奏定章程有疑義者應以官定解釋之說爲據其各處坊間所刻之私家箋注釋解均不得援以爲據以免輾轉相承致滋謬誤臣等爲慎重立法起見謹附片具陳伏乞 聖鑒謹 奏宣統元年七月十六日奉 旨依議欽此

農工商部札飭上海商會籌議改良華茶辦法文

爲札飭事據安徽茶商單致中呈稱漢口茶葉公所接准商務總會照會奉部札發華洋茶十二種仰衆商考驗設法改良等因經董事傳知各商開會集議六幫均有代表到會就中最注意者惟茶棧中人而茶棧素分兩湖寧兩派最注意者又推寧祁茶棧其性質係代寧祁茶號售茶不惜爲同業百計求全前年購印度錫蘭各色紅茶自行研究刊布傳單此次又在公所詳加試驗表面以印錫茶爲勝內容遠遜華產獨惜明知缺點卒不改改良由茶棧茶號茶戶分爲三概之故不能聯成一氣未可與議改良聯之之法莫如設立總公司兼出產焙製運銷而包舉之最重尤在出產一面買山種植重用肥料以圖遠效一面向茶戶租賃原樹代培試辦以收近功惟商力不足可否由部撥款倡設製茶官局抑將公款借與安商或茶棧承領專歸商辦並詳述攙雜劣茶之弊出於洋商非出於華商各節附呈寧祁新茶統希鈞鑒等情前來查華茶爲出口大宗近年銷路衰減前途岌岌可危本部有鑒於此節經札行各議員照會各駐使考求中外茶業得失遇有論說可采者無不甄錄通行以期集思廣益漸求挽救之方本年奏定籌備事宜亦有講習茶務調查茶市改良茶業各專條該商單致中所陳三概聯成一氣之法不爲無見惟茲事體大非合力通籌必不足以資補救上海爲茶市中樞各幫商董見聞較確利害盈虧尤有密切之關係合即抄錄原呈札行該商會即便遵照傳集各董事悉心詳議按照原呈臚陳各節通盤籌畫擬定切實辦法迅速稟部核奪

天津商會移天津縣磁行改用銀莊存案事宜文

爲移請事現據磁商吳協興瑞昌祥協昌明修盛魁福記號豫盛公司永記號龔和興正大仁等聯名稟稱竊商吳

協興等在津貿易向作錢莊自庚子亂後市面銅元充斥銀元行市不齊且有銀盤落時售貨漲時收銀隱受虧折實非淺鮮前經憲會集議改立銀莊仰蒙洞鑒受病之由實力保商之至意商等感佩莫名今約同行從公妥議凡售同行客販交易悉作銀莊彼此兩不吃虧生意庶有起色約定自本月起改作銀莊並公同妥議章程數條如有不遵或私自紊亂一經查實應即稟請憲會究罰以期實力整頓合將所議規條及自願隨改銀莊各號懇乞轉請立案以期實行而保商業等情查該商所稟尙屬實情除批示外相應照錄章程備文移會貴縣請煩查照立案以保商業望切施行須至移者

謹將改立銀莊章程數條錄呈憲鑒 一 改立銀莊本爲交易兩便彼此均不吃虧生意庶有起色 一 售同行客販均按公砵寶銀作價以歸劃一 一 收銀均按市面公估九九二色寶銀爲準高升低補不許格外包平加色 一 收銀元照當日行市作銀不得任意增減 一 或收現錢銅元均按當日銀盤合算不許私自加數去數 一 收貨價銀兩結算賬目不許抹零去尾 一 公議規條如有不遵或私自紊亂一經查實按售貨銀多寡加二成作罰充作辦公經費

吉林兵備處詳送籌擬常備兵退伍章程文並批

爲詳請事竊維練軍之要首在精選而更練速休尤重退伍此常備續備後備三軍所由分也吉林陸軍一協兩標六營自光緒三十二年六月初一日起計至本年六月初一日止已屆三年期滿按照練兵處 奏定新軍營制自應退伍一次現在庫款奇絀續備既有所不能而籌辦屯田厲兵於農勢亦有所不逮不得不暫爲變通先行舉辦退伍以符定制而慰兵心查吉林常備軍各營目兵除逃亡斥革暨陸續挑選入營不及三載不在退伍之列外其已滿三年應行退伍之目兵共計五百三十六名業據第一協造冊咨送前來自宜及時舉行當經飭據考功科擬訂辦法覆核尙屬妥協惟兩標營隊分紮輝延甯古塔敦化磐石等處距省窳遠若令六月初一日一律退伍深恐臨時倉猝未能措置裕如應卽以六月三十日爲實行退伍之期屆時一律舉行較爲妥速除將退伍運送章程移歸參謀處核辦外所有籌擬常備軍三年期滿退伍緣由是否有當理合繕具清摺備文詳請憲台查核俯賜批示祇遵實爲公便須至詳者

謹將吉林常備軍一協兩標退伍兵丁擬訂善後辦法呈請憲鑒 計開 一吉林常備現屆退伍之期查定章訓練三年期滿發給憑照資遣回籍列爲續備吉省款項奇絀續備軍餉難籌應卽參照 陸軍部奏定變通退伍辦法凡有應行退伍兵丁查明徵募時之旗佐各給恩餉兩月送歸原旗准其投充本省各項軍隊及巡警等兵不再發續備月餉惟遇事仍當徵調以期不失續備之意 一正日平時食餉較副目正副兵爲多操練亦較嫻熟照章應不退伍惟按全營五分之一輪流給假三月回家一次假滿回營逾時記過 一旗丁退伍後仍食披甲底餉如有應升缺出必須先儘此項兵丁升補無披甲者亦應儘先補放以示優異 一籍隸府廳州縣之兵丁退伍後有願充當各項軍隊或巡警者各該處長官應遵 陸軍部奏准變通辦法隨時驗照收錄以示體恤 一旗丁若無應升之階有願充當各軍隊或巡警者亦照前條辦理然必須報明該管佐領等官備案方准投充 一副目正副兵有三年期滿不願退伍或退伍甫經到籍仍愿回營當兵者應准再留營三年繳銷退伍憑照 一凡退伍兵丁應照部章一律發給二個月恩餉以示大公此項餉款本擬援照奉天辦法將所有退伍兵丁原額懸補兩月截存曠銀以資彌補惟現在防務緊要退伍兵額不便久懸亟應隨時補足所有恩餉卽由截曠項下開支 一退伍各兵丁均各拍一小照粘於憑照之尾以便易於稽核(照片以四寸爲準) 一其已經選充憲兵學兵在堂卒業程度較高自應毋庸退伍以資任使

東督錫 吉撫陳 批據詳已悉常備兵三年期滿自應照章退伍惟本省款項支絀續備兵餉誠難籌措應准參照 陸軍部奏定變通退伍成案辦理所擬憑照暨辦法各條尙有未妥之處業經分別酌改隨批發還卽由該處另繕刷印移行協標營遵照辦理仍將刷印憑照暨退伍辦法各檢一紙呈送備案仰卽知照繳憑照并摺俱發

文告錄要

藩台牌示○冀州學正王景三丁憂遺缺委試用教諭范恢文署理○順德府經歷陳祖厚丁憂遺缺委試用先典史沈際平署理○准補曲周縣典史畢承祺飭赴新任

臬台批示○北辛店村董李恒學等具稟一案 批李金凡同場聚賭已據直認不諱該村董等毋庸代人文過飾

詞請保

直隸法律學堂牌示○照得丁班學生尚有未交保證金及學費者仰即於十五日以前交齊如過期不交應將名額開除另補其各知悉特示○又牌示 照得丁班學生定於十五日上午九鐘時開學仰該生等屆期早爲便衣來堂聽候行禮此示

天津南段巡警總局告示○爲出示嚴禁事照得每年七月十三四五六各日有等游手好閒的人借著辦孟蘭會挨門欵錢在白骨塔地方搭起齋棚擺開道場那些說書唱曲的合打拳賣藝玩耍戲法的亦都到那裡引誘得無知的愚民都去瞧看熱鬧男女混雜已經不成事體每天夜間又非到十二點鐘不散那些好事的人只顧深更半夜裡瞧看熱鬧那知那些賊人匪類便乘這熱鬧的時候混到裡面生出事來有剪綰物件的亦有拐騙小孩的甚有無恥之徒引誘婦女的等到鬧出事來後悔已晚況這孟蘭會名爲施祭無祀的孤魂實是件查杳無憑極可笑極荒唐的事稍明白道理人決不肯迷信他現當我們中國力求文明時候更不可迷信這等荒誕無理的事招外人笑話就是那欵錢辦會的人亦不過借著落些錢決不是要做好事你們亦不可把有用的錢財辦這宗有害無益的事本局爲維持治安挽回敝俗起見特出白話告示苦口勸導自這次出示後亦不准再給會錢更不准借名擺會引誘男女聚看滋生事端倘敢故違一經傳案定把你們從重懲辦決不寬恕各宜凜遵毋違特示

保定商務總會牌示○爲牌示事宣統元年七月初十日奉 農工商部批據稟并轉呈商人劉藻林創製起水機器均悉該商講求機件匠心獨運所製抽水機器一具尙屬靈便可用於農民灌田深有裨益應由部先予立案至所請專利一節俟本部訂定專利章程再行核辦仰即傳知該商遵照此批等因蒙此合行牌知該商即便遵照辦理此批

附錄天津官事○藩台崔方伯昨日由保定乘火車來津住藩臬公所

電報錄要

路透電○日本久邇親王偕其夫人現由英京啓程擬經過美國再回日本英皇代表員并日本駐英公使加藤氏均往車站送行

又電○北美洲墨西哥國北部曼德里地方大水為災現調查共溺斃一千四百餘人現在水勢雖減恐仍有饑饉之虞因交通斷絕食物不易運送也

又電○英國輪船馬利田尼亞號現又試驗速率成效大著計由紐約開往昆斯頓共用四小時十四分二十七秒柏林電○英法俄三國提議擬於明年會議開放達爾丹尼洛海峽問題以便使俄艦隊得出黑海聞俄國駐土公使自稱對於開放該海峽甚為滿意因俄國甚願與土聯約此海峽開放即為俄土聯約之基礎云

又電○奧國泰魯洛地方舉行百年大紀念會奧皇親往觀禮在布理甘司地方大受人民歡迎

又電○希臘國儲君現將陸軍總司令官之職辭却

又電○德國報紙云亨利親王擬於接海軍總稽查任之先請假六月赴堪納利島遊玩

新政紀聞

政 治
電告建築諮議局議堂式○督憲於十三日接憲政編查館電云本館前咨以直隸建築諮議局議堂擬用方式恐於議事不便應以圓式為宜並附送浙省圖式一份藉資改正在案迄今未接賜覆現已照式改正否希即電覆

是盼
大理院慎重審案○大理院堂憲與檢察王廳丞刑科許推丞商擬嗣後凡係解到各項案件無論刑事民事到院後即由檢察查核移付各科即行審訊不得過三日之限以免遲延而昭慎重云

議事會交接會務清單○天津縣議事會宣統元年七月初十日交接會務清單(續十八日) 申述王恩元拆房並未發價 移行工程局 未結 啓文閱報社請移工程局撥給官地 照准 已結 鹹水沽請設自治講習總所 請自行辦理 已結 郭同春擬設自治講習社 請自行辦理 已結 周文俊請辦巡行宣講

講駁 已結 于少波請辦閱報社 無款補助 已結 啓文閱報社請補助 已接辦 已結 當行三分行息 候議 未結 門長善請籌開墾小馬廠荒地 交董事會辦理 已結 漁葦地與丁糧地分界一

切稅契納糧規則 縣署尙未回覆 未結 各村請賑 接奉賑撫局函覆准辦 已結 申請推廣平糶

照辦 已結 籌設貧民病院 無款 已結 申東鄉村民請借籽種 照發 已結 申北鄉村民請借籽

種 照發 已結 范家莊貫兒莊請借籽種 照發 已結 監察工巡捐局 交董事會辦理 已結 監

察工巡事務 交董事會辦理 已結 籌辦董事會 已成立 已結 核議指摘會員 請副會長回覆

未結 飭籌農務公會 交董事會 已結 調查實習工場事 交董事會 已結 張金凱條陳防火辦法

交商務會 已結 人民地方利弊說帖 議駁 已結

催飭籌辦自治研究所○汴省諮議局以預備憲政設立自治研究所最關緊要現在各府雖已次第開辦而各州

縣設法籌辦及具稟請示者竟無一處特擬簡章十九條札行各屬州縣遵辦並限七月內一律成立不得玩延

學務

譯學館攷試揭曉○京師譯學館乙級生於五月間舉行第五學年末學期攷試已揭曉茲將前十名姓氏列下

黃康年 王廷 陳柏年 張天元 馮農 王治霖 鄭亨慶 童德禧 羅癸身 陸鴻遠

紀私塾改良研究會○本月十四日晚天津私塾改良研究會仍假河北宣講所開辦當由縣視學華君中區勸學

員劉君發布 學部改定小學新章研究以後學堂私塾統一辦法並提議年內籌辦私塾聯合樂賢會以去各

父兄疑阻私塾多認可者並發本月國文算術小課題列後 國文 送總董林墨青先生東游序 算術 一

農人有田八畝半共收麥一石九斗八升九合問每畝收麥幾何

傳習所訂期接講筆算○津埠河東糧店街行宮廟官小學堂內由勸學所籌定附設私塾夜班傳習所業已數月

指日授畢珠算現經縣視學延訂筆算講員定於八月初二日晚八點鐘接講筆算有志改良私塾者宜速往報

名以便屆日前往研究也

軍政

改良軍制之辦法○陸軍部以整頓軍務亟應改良軍制現將改良辦法六條咨行各省飭屬一體查照一詳定軍

政機關一明定軍事教育方針一重訂海陸軍之制度一優加軍人之位置一選派貴冑學生嫻習西文一嚴訂

舉劾將弁之賞罰

議查陸軍學堂客籍生○聞陸軍部堂憲近議以各省陸軍學堂已陸續成立原為本省造就新軍人才而設近查

各省此項學堂客籍學生往往爲數過多且有列入官費正額者殊與定章不符擬即通飭詳細造報并令實行限制云

財政

電詢調查財政事宜○憲政編查館接川督電稱調查歲出入大略前責調查局辦理嗣奉頒清理財政章程已遵飭財政局專辦該局除辦財政統計外毋庸製表另查是否祈示當即電覆云虞電悉財政統計即照來電飭辦其歲出入數由調查局會同財政局辦理毋庸另查

監理官清查財政情形○鄂省正副兩監理程京卿賈主政查悉各州縣於應解司庫正雜公款多有虧挪情事一

經卸任交代爲難蓋由各牧令任用親舊密友充當賬房上官毫無節制權限以致浮濫巨數大礙度支爰商請李方伯於各州縣札派收支一員督同司賬人盡心管理遇有濫用即行稟揭查究其收支薪水與承啟官一律由公家撥給咨部作正開銷兩監理又於日前盤查鹽法道庫查得賬冊與存款不符連日召集鹽署統計收支管庫人員及各房科書吏至行轅清算於昨日命題考試財政局各科員以覘才識試題錄下 編訂冊式稽核款項乃編輯審覈兩科專責查鹽庫款目簡明案卷齊備即如所開籌備京餉一項有條不紊擬先從鹽庫清理審訂冊式俾可爲各署局仿辦諸君討論有素請先將籌備京餉一款遵照部章第二十九條編造報告冊細別爲項爲目各擬一式以備采擇 聞與試諸員是日竟有不能交卷者其能關合題旨者只有一卷兩監理深滋

不悅

清查局署規費○湖北監理財政官以部章第二十七條有調查各衙門情形編訂各衙門局所公費等級表並各項規費多寡表送部查核各等語特在局會議應將各局署所入各項規費先行調查明白爲釐定公費地步至於何項爲有定之費何項爲無定之費於例收規費之外復有何項名目某項歲收若干及各項如何取給情形均須和盤托出無庸諱飾其應支各項用款亦據實詳細開報不得籠統僅開約數致干部詰當此釐定公費之時不外酌盈劑虛辦法亟應逐款登出據實揭報俾便勻給津貼次第舉行特札飭各局署務將常年所入規費及因公用款銀兩核實造報

第二門織物

第百六十一類 絹織

第百六十二類 棉織

第百六十三類 毛織

第百六十四類 麻織

第百六十五類 絨織

第百六十六類 編物

第十部 製作工業

第一門家具

第百六十七類 金局器

第百六十八類 木器

第百六十九類 瓦器

第百七十類 竹器

第百七十一類 藤器

第百七十二類 玻璃器

第百七十三類 皮製器

第二門服裝

第百七十四類 帽(男女)

第百七十五類 衣服(男女)

第百七十六類 靴鞋(女子鞋限於天足者)

第百七十七類 附屬品

第三門頭飾

第七十八類 翎纓

第七十九類 珠翠

第四門文具

第八十類 筆墨及一切桌上器具

第八十一類 書卷箱架等

第五門雜用品

第八十二類 梳洗物

第八十三類 携帶物

第八十四類 旅行物

第八十五類 鐘表

第八十六類 典式物

第八十七類 婚禮喪禮及一切禮物

第八十八類 玩物

第八十九類 紙製品

第九十類 鋪陳品

第九十一類 裝飾品

第十一部 機械

第一門原動機

第九十二類 人力原動機

第九十三類 獸力原動機




圖 塔 水 來 自 浦 樹 楊 海 上

海國生春

廣東南海有患左癱右瘓者為韋廉士大醫生紅色補丸所治愈
中國學堂教職為十五名醫所不能醫治之奇症

左癱右瘓或四支失力為人身所最險最難治之一種疾病也韋廉士大醫生紅色補丸曾經醫治諸多最劇之癱症是以無論何藥最無有如韋廉士大醫生紅色補丸之神奇者是書因欲刊登各種證書限於篇幅故未能將所治左癱右瘓之症悉數盡錄祇得僅擇廣東南海郭君貞甫之一症而詳錄之因其由中國所治愈為盡人所易於訪問而知者也郭君貞甫為廣東南海學堂之教職自述其病狀如左云○余二年前即三十有九歲時左身癱



廣東南海郭君貞甫患左癱右瘓為韋廉士大醫生紅色補丸所治愈

癱左手左足均各失力瘋症若是之重臥床莫能興起腦筋衰弱時時發顫如樹葉之被風飄颻不克自持於是延醫診治歷經名醫十有五入服藥無算毫不見效祇病覺勢日重絕無復原之望一日余友勸服韋廉士大醫生紅色補丸因其曾服是丸而獲益者又承惠贈半打囑余嘗試余遂依言服之頓覺身體復原面容轉赤未幾覺有精力從左手足經過恍惚若被電氣所感觸皮膚為新血所潤澤四支因新血而生力從此進步神速面色有康健之形腦筋得復原之力所最喜者即使余四支復得有全力之用也邇者食甘睡甯顏開心樂其所以能得此快愉之情形者皆韋廉士大醫生紅色補丸所賜之奇功也能不將余保證書登簡牘以告世之同病哉○郭君之自述病狀如此然常有如郭君之疾病為醫生與平常藥餌所莫能療治者韋廉士大醫生紅色

補丸却有奇妙之功用也蓋是丸所以能醫治各疾者以其所施之功由血中而入能使全體皆得有力其名譽為天下文明大國所盡知莫不謂其能醫治左癱右瘓 腳氣衝心 豬羊癩癲 腦筋衰弱 少年虧喪 陽萎不舉 胃不消化 肝經各病 背痛頭疼 風溼骨痛 山林瘴氣 發熱病後 紅白痢疾 感冒風寒 等症之聖藥也 婦女經水不調以及經來腹痛各種雜症一服是丸立能使其月經有序身體康健矣 中國各處商店藥局凡經售西藥之處均有代售或直向上海九江路B字第八號韋廉士醫生藥局中國總發行處購買亦可 價銀每六瓶大洋八元每一瓶大洋一元五角 遠近郵費一律不取

上海九江路B字第八號韋廉士醫生藥局啟

商務印書館出版各書上海總發行所 各省分館發售

中外政法要書

議員必讀

嚴又陵先生譯著

欽定大清會典 十冊 一元二角

憲政大綱 三冊 三角

英文漢語 八冊 一元二角

欽定大清會典及事例 一百六十冊 一元二角

各省諮議局章程 四冊 四角

訂正學界 一元

大清光緒新法令 三十冊 一元

各省諮議局章程要義 二角五分

天演論 一角五分

戴尚軍書 列國政要 三十冊 一元

諮議局章程須知 三冊 三角

孟德斯鳩法意七冊 三角五分

漢譯日本法規大全 八十冊 一元

城鎮地方自治章程 三冊 三角

名學淺說 三角五分

漢譯日本六法全書 八十冊 一元

地方自治章程通釋 二角五分

各種雜誌 每冊一角

警察講義 錄十四冊 一元

日本議會法規 二角五分

外交報每月三冊 每冊一角

各種彩色地圖

政法類各書

日本憲法 一元二角

大清帝國射圖 二幅 三元

日本憲法研究書 四角

日本憲法 一元二角

大清帝國總圖 一幅 三元

日本憲法研究書 四角

日本憲法 一元二角

甲種西曆年表 四冊 一元八角

日本憲法研究書 四角

日本憲法 一元二角

天津分館開設 河北大胡同 電話五百二十六號

本局印售各種書籍圖畫目錄

澄衷學堂字課圖說
 天文歌略
 地理歌略
 地球韻言
 小學韻語
 蒙養學堂百課
 最新初等小學國文教科書
 初等中國歷史教科書
 心算初學
 最新初等小學算數教科書
 初等小學算術科算數抄法
 忠經
 英文學階
 英文典問答
 地理學問答
 皇朝政治學問答增校初二編
 節本泰西新史攬要
 算算教科書
 數學上編
 普通新智識課本
 中等植物教科書
 中學礦物教科書
 高等小學博物教科書
 生理衛生學
 化學教科書
 中學地理中國誌

八本洋二元
 一本洋三分
 一本洋一角五分
 二本洋二角
 一本洋一角五分
 一本洋四分
 二本洋三角二分
 二本洋一元
 二本洋紙洋五角
 二冊洋三角六分
 合售洋三角六分
 一本洋紙洋五分
 一本洋二角
 二本洋二角五分
 一本洋五角
 二本洋紙洋四角
 二本洋紙洋三角五分
 二本洋紙洋四角
 二本洋紙洋四角
 二本洋一元二角
 二本洋四角
 二本洋紙洋七角五分
 一本洋紙洋七角
 二本洋四角
 二本洋二角五分
 一本洋紙洋四角
 一本洋紙洋三角五分
 一本洋紙洋二角五分
 四本洋六角

植物學教科書
 皇朝政典舉要
 萬國憲法比較一本
 法學通論
 萬國通商史
 新爾雅
 康熙幾暇格物編
 周禮政要
 明夷待訪錄
 普通教科書目提要
 科學書目提要初編
 心算教授法
 萬國公法提要
 甲辰年學報彙編一百種
 乙巳年學報彙編
 丙午年學報彙編
 全年學報彙編
 農學新書三十五種
 日本栽桑捷法
 美國養雞法
 農務述聞
 畿輔輿地全圖
 御製耕織圖
 朝鮮輿地全圖
 地球開闢次序圖
 平圓地球圖
 東三省鐵路全圖

一本洋紙洋二角五分
 四本洋五角
 一本洋紙洋三角五分
 一本洋七角
 一本洋二角
 一本洋三角
 二本洋四角五分
 二本洋四角
 二本洋六角
 二本洋二角
 一本洋五分
 一本洋一角五分
 一本洋紙洋三角五分
 四本洋一元
 五十本洋二元七角
 四十本洋四元二角
 廿四本洋四元八角
 廿二本洋五元六角
 一本洋一角二分
 一本洋四角
 一本洋三角六分
 六扇屏洋二元
 二冊洋五角
 一冊洋一角
 一冊洋一元
 三十二張洋一元
 一張洋八角

北洋官報

第一千一百八十一冊

告白

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋磨等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

得利文洋

大小皮包法國洋號又新到轉盤換調話匣八音盒價值格外從廉仕宦官商尤願者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金珠寶鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡純蟒洋貨布疋各色喇叻厚呢京廣什貨俱全貨高價廉劃一不後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器瑤藍 奇巧美術玩器 學界文房用品 旅行携帶等件 精工製身物料 定織各色應麗 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會甯碾伯及各上司又先後報災邊地高寒水泉素乏童山彌望生植不饒一遇旱乾即成凶視現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃糧價日增麥已漲至每石三十六七兩稻草已漲至每斤二十七八文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上朝廷曾撥帑金六萬散諸災區勢難徧給非再有巨款接濟何能救此哀鴻夫天災流行國家代有救災恤患義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民為甘民計未嘗非為全局計也現上海諸公已發起助賑會無非出於愛國愛民之苦心同人復敢為甘民請命敬懇仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店
天津獅子林北洋官報總局

北洋法政學堂專門學堂招考中學學生廣告

本堂擬添設中學班遵照學部中學堂分科章程專設文科一類為法政專門之豫備畢業後直接升入本堂正科不得轉學他處茲定於九月初一日招考先期自七月二十日開始報名至八月二十五日截止凡有志諸生查照左列各要件屆期來堂報名為幸

課程 (照中學堂文科課程辦理惟外國語一科以日語為主英語為輔)

獎勵 (畢業後照中學堂章程請獎正科畢業後照高等學堂章程請獎) 宿舍 (概由學堂豫備) 年齡 (十五歲以上二十二歲以下) 年限 (照中學堂章程五年畢業升入正科後三年畢業) 學膳宿費 (每月共六圓) 入學資格 (中文通順曾在高等小學堂肄業二年以上者)

名醫到津廣告

啟者四川曾建侯大令精岐黃歷在鄂豫京奉各局所當差所至俱以醫名屢起沉痾茲來津寓買家大橋福祿棧有患病者幸勿失此機會特佈

錢聽彝啟

本局廣告

本局承辦印刷研究
精良近益不惜重資
延聘外洋著名工師
添購新式機器精製
雕刻銅版所有承印
各種紙幣股票等件
圖畫精巧色澤鮮明
紙質堅緻屢蒙中外
官商照顧頗加獎
譽茲為推廣招徠起
見自本年起承印各
項價目格外減讓以
副官商雅意如蒙
賜顧請至本局賬
房面議可也

本局告白刊例

登一日者每字取洋五釐 三日四釐 七日三釐五 十五日三釐
一月二釐五 半年二釐 長年一釐五
以上均按四號字起碼加寬行數照所佔面積計算
登錄商標刻工另議
三號字加半倍 二號字加一倍

天津銀號廣告

本銀號代辦直隸公債所有本年宣統元年二月初一日四月初一日六
月初一日第四年第一第二第三三期應付本利銀兩即係原訂光緒三
十五年期限業經照數分付廣登廣告各在案茲值本月初為第四年第
四期滿給還本利之期凡天津暨各府廳州縣各票主請查照章程第
七條持票至原借各府廳州縣及各籌款分局核取本利銀兩且期滿之
票並可任便抵納地丁錢糧鹽課關稅及各項稅捐已詳請督憲照
奏准章程通飭各屬不准留難需索務即持票兌取現銀毋得自誤再如
有以前到期未經支取各票本利銀兩亦可至原借各處驗票續發特此
佈告

工商演說廣告

啟者本所前因天氣炎熱暫停演說今已天氣涼爽擬訂於七月十八日
晚八鐘至十一鐘仍借東宜講所內演說工商各項要理并請韓鏡湖先
生演說發電機之製造與功用李子鶴先生演說外國貿易金受伯先生
演說日本商業之現象宋則久先生演說弱肉強食之商業務希 各工
商屆時 惠臨入聽不取分文特先佈告 天津勸工陳列所啟